

Broj: 01-04-2- 177 /2023

Sarajevo, 07.08.2023. godine

Na osnovu člana 20. Statuta Fonda za zaštitu okoliša Federacije BiH („Službene novine Federacije BiH“, broj 33/06, 1/15 i 62/19), te odredbi člana 70. stav (4) Zakona o javnim nabavkama („Službeni glasnik BiH“, broj 39/14 i 59/22), direktor Fonda za zaštitu okoliša Federacije BiH donosi sljedeću

ODLUKU
o poništenju postupka nabavke

I

Poništava se postupak javne nabavke usluge osiguranja radnika i imovine Fonda za zaštitu okoliša Federacije BiH, provedenog putem postupka konkurentskog zahtjeva za dostavu ponuda, broj obavještenja o nabavci: 1382-7-2-30-3-17/23 od 19.07.2023. godine u skladu sa članom 69. stav (2) tačka d) iz razloga što nijedna od primljenih ponuda nije prihvatljiva.

II

Ova odluka objavit će se na web stranici Fonda za zaštitu okoliša Federacije BiH istovremeno s upućivanjem ponuđaču koji je učestvovao u postupku javne nabavke, u skladu sa članom 70. stav (6) Zakona o javnim nabavkama.

O b r a z l o ž e n j e

Postupak javne nabavke pokrenut je posebnom Odlukom o pokretanju postupka javne nabavke, broj: 01-04-2-135/2023 od 18.07.2023. godine. Javna nabavka je sprovedena putem postupka konkurentskog zahtjeva za dostavu ponuda. Ukupna procijenjena vrijednost javne nabavke bila je 9.800,00 KM bez PDV-a.

Obavještenje o nabavci broj: 1382-7-2-30-3-17/23 objavljeno je na e-Portal javnih nabavki dana 19.07.2023. godine u 10:32 sati, dok je sažetak Obavještenja o nabavci objavljen u Službenom glasniku BiH, broj: 51/23 dana 21.07.2023. godine.

Tendersku dokumentaciju broj: 01-04-2-2451/2023 od 18.07.2023. godine (u daljem tekstu: tenderska dokumentacija) preuzelo je 9 (devet) ponuđača, dok su u skladu sa provedenim postupkom javne nabavke ponude dostavili sljedeći ponuđači:

R.br.	Broj protokola	Naziv ponuđača	Datum i sat prijema
1.	U-04-2162/2023	Asa Central osiguranje d.d. Sarajevo	28.07.2023. godine u 11:03 sati
2.	U-04-2226/2023	Adriatic osiguranje d.d. Sarajevo	01.08.2023. godine u 11:22 sati

Krajnji rok za prijem ponuda bio je 01.08.2023. godine do 12:00 sati.

Komisija za javnu nabavku formirana Rješenjem o imenovanju komisije, broj: 01-04-2-166/2023 od 27.07.2023. godine (u daljem tekstu: Komisija) pristupila je javnom otvaranju ponuda dana 01.08.2023. godine u 12:15 sati, te je konstatovala da su dostavljene ponude gore navedenih ponuđača blagovremene, o čemu je sačinila Zapisnik o otvaranju ponuda, te kopiju istog dostavila navedenim ponuđačima putem e-maila u skladu sa članom 63. stav (6) Zakona.

U skladu sa članom 63. stav (7) Zakona, Komisija je provela postupak provjere kvalifikacije ponuđača i ocjene ponuda na zatvorenoj sjednici, te je utvrdila da ponuda ponuđača Asa

Central osiguranje d.d. Sarajevo d.d. Sarajevo, broj: I-22970/23 od 27.07.2023. godine sa ponuđenom cijenom u iznosu od 6.902,77 KM bez PDV-a i rokom za isplatu štete od 1 (jednog) dana ne ispunjava sve uslove propisane u tenderskoj dokumentaciji.

Naime, uvidom u dostavljene potvrde o uspješnoj realizaciji ugovora utvrđeno je da su iste u vezi sa predmetom nabavke obzirom da se radi o izvršenju istih ugovora kao što je predmet nabavke, ali da nisu srazmjerne predmetu nabavke obzirom da je njihov iznos viši od procijenjene vrijednosti nabavke, tj. 9.800,00 KM. S tim u vezi, Komisija je utvrdila da ponuda navedenog ponuđača nije potpuna i ne ispunjava zahtjeve iz tenderske dokumentacije u skladu sa članom 68. stav (4) tačka i) Zakona o javnim nabavkama.

Nadalje, na osnovu rezultata pregleda i ocjene ponude ponuđača Adriatic osiguranje d.d. Sarajevo, broj ponude 103/23 od 27.07.2023. godine, Komisija je konstatovala da je ponuđač dana 04.08.2023. godine u 12:33 sati dostavio e-mail kojim se prihvata ispravka računске greške u skladu sa uputama iz dostavljenog Zahtjeva za prihvatanje ispravke računске greške od 01.08.2023. godine, ali da je navedeni e-mail pristigao nakon roka koji je utvrđen Zahtjevom, tj. do 12:00 sati, te se ponuda navedenog ponuđača odbacuje u skladu sa tačkom 7.7. tenderske dokumentacije i članom 68. stav (4) tačka g) Zakona o javnim nabavkama.

Nakon provedenog postupka provjere kvalifikacije ponuđača i ocjene ponuda, Komisija je sačinila i dostavila direktoru Fonda za zaštitu okoliša Federacije BiH Zapisnik o pregledu i ocjeni ponuda od 04.08.2023. godine koji ujedno predstavlja i Izvještaj o radu Komisije, zajedno sa Preporukom za donošenje odluke o poništenju postupka javne nabavke od 04.08.2023. godine.

Uzimajući u obzir rezultate provedenog postupka, te činjenicu da pristigle ponuda nisu potpuna i ne ispunjava uslove propisane u tenderskoj dokumentaciji, u skladu sa članom 69. stav (2) tačka d) Zakona o javnim nabavkama ugovorni organ poništava postupak javne nabavke.

U skladu sa naprijed navedenim, odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke može se izjaviti žalba u roku od 5 (pet) dana od dana prijema ove odluke.

Fond za zaštitu okoliša
Federacije BiH



Esad Humo, direktor

Dostaviti:

- ponuđačima (putem e-maila)
- Sektoru za finansije
- a/a